

Guangjisi Minzcu Bau

ganhhau: CN45-0036 B.2014 Nd.4 Ng.2 liggaueq gyapngux nienz ndwensam cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3117期

Sanhgyangh: Roengzrengz Swnjcienz Doigvangq Sawdungvwnz Nem Godungcu

三江:全力传承推广侗文侗歌

3 nyied 18 hau daengz 27 hau, Sanhgyangh Duncuz Swciyen 2014 nienz daih'it geiz Sawdungvwnz nem Godungcu beizyinbanh youq ndaw yienh Liengzgouj Yangh cwngfuj veiyisiz gawjbanh, aen yangh neix gyawj 100 boux "hagseng geq" camgya beizyin.

Vih fuengbienh vunz lai guh hong ndaemcin, aen yienh neix minzyijvej anbaiz youq banhaemh beizyin, moix haemh song dangz, dangz ndeu son Sawdungvwnz, dangz ndeu son Godungcu. Beizyin hingzsik lai cungj lai yienh, aeu hwzbanj son nem aeu sibinz, dohmeizdij daengj doxhab

hwnjdaej, doengzseiz gag ok sawson, daj doenghij saeh bingzciengz de gangj hwnj, daj goek daengz byai cungj aeu Vahdungcu sonhag, neix hawj gyoengq hagseng neix gamj-daengz gig mizyinx, cungj lai gyaeh hag, moix baez hwnjdangz ndaw gyausiz vunz cungj rimmaet bae.

Gaenh bi daej, aen yienh neix minzyijvej haengrengz guh hong sonhag nem sawjyung Sawdungvwnz nem Godungcu, doenggvaq lai cungj hingzsik roengzrengz swnjcienz nem henhoh vwnzva maenhndei Duncuz. Bi'gvaq, aen yienh neix gungh guh sat hong beizyin doenghboux bien

loeg sawson nem deb Sawdungvwnz de 740 vunzbaez, gawjbanh Sawdungvwnz nem Godungcu beizyinbanh 9 geiz, beizyin 700 lai vunzbaez, bien nem okbanj 《Bonj Duncvwnz》2 geiz, guh sat hong fanhoiz bienguh nem book sinhvwnz Vahdungcu, denyinj Vahdungcu 100 lai geiz(cien), doengzseiz cugmbaek guh hong soucomz nem cingjeix sawgaeuq saujsu minzcu, ciengjgouq vwnzyoz bakriuz maenhndei ndawbiengz minzcu, caemhcai soucomz nem cingjeix ndei fwen, Goyeh 1100 lai souj.

(Gungh Bujangh Ouh Ci)

SIUSIK DINJ

简讯

● 3 nyied 30 hau, Sangswh Yen banh "feihsiz" eu fwen doxdax hozdung, daengx yienh gak yanghcin, segih baij canghfwen daej ndaw yienhsingz Gyanggai Gunghyenz, doxdax eu fwen, angqcoux "sam nyied sam". Neix yinx baenz cien vunz daej yawj.

(Liengz Fuyingz)

● 3 nyied 27 hau, Cingsih Yen youq ndaw yienhsingz banh "sam nyied sam" ciet Boux-cuengh hozdung. Baez hozdung neix miz bau aendomq, fat swlhliux, vwnzyi yienjok, eufwen haidaiz, comz eu fwen, doxduenz eu fwen, doxdax eu fwen daengj 7 hangh hozdung. Neix yinx 2 fanh lai vunz daej yawj.

(Maj Lanzyingh)

● 3 nyied 19 hau (liggaueq ngeih nyied cibgouj), 2014 nienz "cietbauqva Byagim" youq Cungzcoj Si Gyanghcouh Gih Cojgyangh Cin gawjbanh. Ngoenzde, vwnzyi yienjok, minzcu conzdungj dijuuz yindung byaujyenj, eu fwen doxdax, fouxgvangcangz yienjok nem ciengj bauqva doxdax daengj hozdung gig ndei yawj, gungh yinx le baenz fanh vunz camgya.

(Dauz Gozyangz)

● Daj 2 nyied 24 hau daej, Cinghgoz Fuzbinz Gih-ginhvei gietdingh gien 71.4384 fanh maenz yungh daej guh "gya byaekngaiz" hanghmoeg, youq Bingzgoj Yen 10 aen siujyoz dieg gyaed saedhengz, guh daengz 2014 nienz sujyay, hawj 2706 hagseng saujsu minzcu souh'ik.

(Vuz Anhgingh)

Seiq Aen Yienh Doengzcae Eu Fwen Angqcoux "Sam Nyied Sam"



四县同唱山歌 迎“三月三”

3 nyied 30 hau, yaek daengz "sam nyied sam" aen ciet Bouxcuengh neix lo, gyoengq canghfwen daj Duh'anh, Dava, Majsanh, Bingzgoj seiq aen yienh daej de comz daengz Duh'anh Yauzcu Swciyen Cuibingz Youh-henz Gvangjcangz, doxlwnz aeu Vahcuengh eu fwen, caemh daiz doxbei, senhconz dangj raeuz ginzcung lusen sizcenj hozdung, haenh lajmbanj gyaunde, lwnh ndwenngoenz gvaq ndei, angqcoux "sam nyied sam". Ndaw doz dwg eu fwen yienhciegz.

(Vangz Bungzvanh Lanz Yozbingh ingj)

Majsanh Yen Dajcaux Aen Singz Ndeiyauq Miz Daegsaek Bouxcuengh 马山县打造壮族特色宜居游山城

Gaenh bi daej, Majsanh Yen roengzrengz doihaej daegsaek yienhsingz gensez, comzrengz dajcaux aen singz miz saujsu minzcu daegsaek. Bineix cungdenj guh geiz gunghcwnz daih'it. Geiz gunghcwnz neix daihgaiq raez 1070 mij, gvendaengz gij aenranz danhvei 206 aen, laebmienh gajguh cungjenciz

daihgaiq 1.8 fanh bingzfanhmij, giva roengzngaenz 700 fanh maenz.

Aen yienh neix yienghsiengq gajguh gunghcwnz ciuq aen yenzcwz "yienghsiengq gyaunde, yienh'ok minzcu daegsaek", youq gajguh seizde, gya cang gij doenghyienh miz daegsaek Bouxcuengh.

Majsanh Yen yienghsiengq

ndawsingz lajmbanj gaj miz daegsaek gunghcwnz yaek youq 2018 nienz guh sat, daengzseiz, gij singz nem mbanj miz daegsaek Bouxcuengh, Yauzcu de guhbaenz le, dangdieg lijyoyez couh fazcanj engq ndei, vunz dangdieg souhaej engq lai.

(Veiz Yenzfuz)

Hoh Beixnuengx

Ngoenzneix dwg ngoenz-ciet sam nyied sam Boux-cuengh raeuz. Angq hoh gyoengq beixnuengx gvaq ndaej vuenyungz!